

TÈRRÀ D'AUBRAC

Tèrra d'Aubrac, tèrra volcana
Que Dieus plongèt, rasis lo cèl,
Dins l'estenduda suada e sana.
Païs ont estiva lo tropèl
La cistra fina e la ginçana
Enfortidas d'olor de mèl...

Tèrra d'Aubrac, tèrra pagana
Ont trelusís lo negre estanh...
Del mond sortits de lor cabana
Aquí venián, lo mai de l'an,
Per s'avodar a lor engana
E festejar lo dieus del Tròn...

Tèrra d'Aubrac, tèrra romana
Ont lo romieu d'un autre luòc,
Guidat al son d'una campana,
S'acaminava atrás lo ròc
O jol cobèrt de la fajana
Assegurat d'aver un fuòc...

Tèrra d'Aubrac, tèrra crestiana
Ta crotz talhada amb la destral
Se quilha drecha sus la plana
Per aparar, dins son airal,
De la cisampa que desana,
Lo montanhòl e son ostal...

Tèrra d'Aubrac, tèrra mejana
Entre Roergue e Gavaudan,
Païs de fònts, de blanca lana
Qu'estend l'ivèrn après Totsants,
Sias benlèu freg, mas la marrana
Grepeús pas tos fièrs enfants...

Tèrra d'Aubrac, tèrra abelana,
Èrsa de calms e de masucs,
Ont tota vida se debana
De la boralda al cim dels trucs,
Sèrvas totjorn, tèrra occitana,
Ta lenga blosa et tos aücs...

Zefir BÒSC

Oeillet d'Argent de l'Académie des Jeux Floraux de Toulouse - 3 mai 1976

Poème mis en musique par l'Abbé David Julien et par Philippe Vialard